



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08) izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2007. GODINU DEMOKRATSKE NARODNE ZAJEDNICE BiH

Broj: 03-07-6-3408/08
Sarajevo, 24.03.2009. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije	5
Cilj revizije	5
Obim revizije	5
4. PRETHODNE REVIZIJE	5
5. NALAZI I PREPORUKE	5
5.1. NALAZI	5
5.2. P R E P O R U K E	7

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju godišnjeg finansijskih izvještaja **Demokratske narodne zajednice BiH** za 2007. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Demokratska narodna zajednica BiH u izvještajnom periodu nije postupila u skladu sa odredbama člana 4. stav (2), člana 8. stav (1) i člana 11. stav (1) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaji ukazuju da je Demokratska narodna zajednica BiH u 2007. godini postupala u skladu sa Zakonom o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila reviziju godišnjeg finansijskog izvještaja **Demokratske narodne zajednice BiH** za 2007. godinu.

Revizija je preduzeta u skladu sa članom 14. stav (1) Zakona o finansiranju političkih stranaka («Službeni glasnik BiH» broj 22/00), članom 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokratska narodna zajednica BiH je iskazala prihode u iznosu od 349.154,78 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	2.541,70	0,73%
2	Prilozi fizičkih lica	11.386,00	3,26%
3	Prilozi pravnih lica	150,00	0,04%
4	Prihodi od imovine	157,08	0,04%
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	334.920,00	95,92%
	Ukupni prihodi:	349.154,78	100,00%

U godišnjem finansijskom izvještaju Demokratska narodna zajednica BiH je iskazala ukupne rashode u iznosu 254.844,37 KM.

2. PREDSTAVLJANJE POLITIČKE STRANKE

Naziv političke stranke: Demokratska narodna zajednica BiH. Skraćeni naziv je DNZ BiH. Stranka je registrovana 16.02.1996. godine kod Višeg Suda u Mostaru pod brojem R-14/96. DNZ BiH je preregistrovana Rješenjem Općinskog suda u Sarajevu broj: 065-0-Reg-06-000508 od 16.05.2006. godine prema kome je sjedište stranke u Sarajevu, Ul. Hadži Idrizova br. 8.

Za zastupanje stranke ovlašteni su: Rifet Dolić, predsjednik stranke;
Hafeza Sabljaković, podpredsjednica stranke i
Ibrahim Đedović Predsjednik GO DNZ.

Osoba ovlaštena za podnošenje finansijskih izvještaja za 2007. godinu je Raska Ćerimović.

Organizacionu strukturu DNZ-a čine:

- Glavni ured Velika Kladuša i
- 6 nižih organizacionih dijelova odnosno ureda¹

¹ U okviru organizacione strukture DNZ-a ektisturaju: Ured Sarajevo, Ured Cazin, Ured Bihać, Ured Banja Luka, Ured Tuzla i Ured Zenica

3. OPIS REVIZIJE

Predmet revizije je godišnji finansijski izvještaj Demokratske narodne zajednice BiH za 2007. godinu i to sljedećih organizacionih dijelova:

- Glavni ured DNZ BiH Velika Kladuša,
- Organizacioni dio DNZ BiH Cazin,
- Organizacioni dio DNZ BiH Sarajevo i
- Organizacioni dio DNZ BiH Banja Luka

Cilj revizije je da se prikupi dovoljno relevantnih dokaza kako bi se moglo izraziti mišljenje o tome da li je DNZ BiH u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskih izvještaja DNZ BiH obuhvata kontrolu i provođenje analitičkih procedura radi utvrđivanje usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica i prihode iz budžeta.

4. PRETHODNE REVIZIJE

U prethodnom periodu izvršeni su pregledi godišnjeg finansijskog izvještaja DNZ BiH za 2005. i 2006. godinu nakon kojih su izdati izvještaji o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 11. stav (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

5. NALAZI I PREPORUKE

5.1. NALAZI

- a) **Revizijom godišnjeg finansijskog izvještaja utvrđeno je da je Demokratska narodna zajednica BiH prekršila odredbe člana 4. stav (2) Zakona o finansiranju političkih stranaka.**²

Revizijom finansijskog izvještaja i poslovne dokumentacije političke stranke, utvrđeno je da je stranka vršila isplatu sredstava za usluge, nabavku materijala i knjiga bez računa.

- Isplate iz blagajne Glavnog ureda DNZ BiH za nabavku knjiga u iznosu od 250,00 KM, u ime autora Medine Delalić i 100,00 KM u ime Sefera Halilovića, bez računa ispostavljenog stranci izvršene su predsjedniku stranke. Organizacioni dio stranke DNZ BiH Cazin je takođe bez računa izvršio isplatu za nabavku knjiga u iznosu od 100,00 KM.
- Usluge razglasa za javnu tribinu u iznosu od 150,00 KM i usluge za korištenje video zida na javnoj tribini u iznosu od 200,00 KM takođe su isplaćene bez računa, odnosno bilo kakvog relevantnog dokumenta izdatog stranci na osnovu izvršene usluge;

² U skladu sa odredbama člana 4. stav (2) Zakona o finansiranju političkih stranaka, pravno ili fizičko lice koje političkoj stranci pruža uslugu ili prodava proizvod mora stranci ispostaviti račun, bez obzira na to ko snosi plaćanje usluga ili proizvoda, odnosno, bez obzira na to da li je usluga pružena ili proizvod dat bez naplate.

- Stranka je u Banjaluci privremeno, odnosno u periodu od šest mjeseci koristila poslovni prostor u vlasništvu fizičkog lica, pri čemu je bez računa, ugovora ili bilo kog drugog dokumenta platila iznos od 900,00 KM.
- Usluge vođenja knjigovodstva u vrijednosti 100,00 KM mjesečno, stranka je takođe isplaćivala gotovinski bez bilo kakvog dokumenta, odnosno računa ili ugovora.
- Stranka je za usluge volontera isplatila sredstva u ukupnom iznosu od 3.100,00 KM bez sklopljenih ugovora sa izvršiocima usluga.

b) Stranka nije ispoštovala odredbe člana 8. stav (1) Zakona o finansiranju političkih stranaka.³

Od Udruženje penzionera Velika Kladuša Demokratska narodna zajednica BiH je primila novčana sredstva u iznosu od 150,00 KM, što je suprotno odredbama člana 8. stav (1) Zakona o finansiranju političkih stranaka⁴.

c) Demokratska narodna zajednica BiH nije ispoštovala odredbe člana 11. stav (1) Zakona o finansiranju političkih stranaka⁵.

Stranka u kontrolisanom periodu nije vodila adekvatne evidencije o prihodima i rashodima.

- U svom knjigovodstvu stranka nije evidentirala troškove za primljene usluge i kupljene proizvode u momentu nastanka, niti je evidentirala dobavljače koji su izvršili usluge ili prodali proizvode. Na taj način stranka je propustila i evidentiranje svojih obaveza. Tek kada plati račun stranka u knjigovodstvu evidentira trošak, što je suprotno računovodstvenim propisima i odredbama člana 11. stav (1) Zakona o finansiranju političkih stranaka.
- Stranka nema adekvatne evidencije o gotovinskim naplatama novčanih sredstava putem blagajne, među kojima su prihodi od članarina i prilozi pravnih lica, kao ni evidencije o gotovinski plaćenim troškovima stranke.
Evidencije o prihodima i rashodima općinskog odbora DNZ BiH Cazin čije su naplate i isplate vršene gotovinski su nepotpune, odnosno nisu kompletirane sa nalogima blagajne za naplatu i isplatu, kao ni dokumentima na osnovu kojih su vršene isplate, što nije u skladu sa računovodstvenim propisima i odredbama člana 11. stav (1) Zakona o finansiranju političkih stranaka.
Takođe evidencije o gotovinskim transakcijama stranke (dnevnik blagajne) su neažurne i ne sadrže podatke o datumu kada je stranka ostvarila prihod i datume nastanka troškova stranke.

³ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

⁴ Sredstva su uplaćena 03.12.2007. godine na transakcijski račun stranke broj 1980011050000157 otvoren kod Komercijalno-investicijske banke d.d Velika Kladuša

⁵ U skladu sa odredbama člana 11. stav (1) Zakona o finansiranju političkih stranaka, politička stranka je obavezna voditi evidenciju o svojim prihodima i rashodima, a u skladu sa odredbama člana 11. stav (3) Zakona o finansiranju političkih stranaka podnositi finansijski izvještaj u formi koju odobri Centralna izborna komisija. Sadržaj, forma, način i drugi detalji izvještavanja uređeni su Pravilnikom o godišnim finansijskim izvještajima političkih stranaka („Službeni glasnik BiH“ broj 61/06)

5.2. PREPORUKE

Preporučuje se Demokratskoj narodnoj zajednici BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

Da postupa u skladu sa odredbama člana 4. stav (2), člana 8. stav (1) i člana 11. stav (1) Zakona o finansiranju političkih stranaka i to:

- *da isplate za primljene usluge ili kupljene proizvode može vršiti samo na osnovu stranci ispostavljenih računa od strane izvršioca usluge ili prodavca proizvoda,*
- *da se ne finansira priložima koji su zabranjeni političkim strankama i*
- *da vodi tačne i ažurne evidencije o svojim prihodima i rashodima.*

KOMENTAR

Demokratska narodna zajednica BiH se aktom broj 124-00/09 od 12.03. 2009. godine očitovala na Preliminarni izvještaj o reviziji godišnjeg finansijskog izvještaja za 2007. godinu i dostavila dodatne dokaze vezane za dio nalaza revizije navedenih u preliminarnom izvještaju.

Služba za reviziju finansijskog poslovanja u Centralnoj izbornoj komisiji BiH je razmotrila primjedbe i dodatne dokaze. Argumentovane primjedbe su uvažene i ugrađene u konačan izvještaj o reviziji. Primjedbe koje nisu utemeljene na relevantnim činjenicama nisu uticale na nalaz revizije.

Zahvaljujemo se osoblju Demokratske narodne zajednice BiH na dobroj i korektnoj saradnji tokom obavljanja revizije finansijskih izvještaja.

Mr. Hasida Gušić, Šef Službe za reviziju, revizor

Veliborka Kravljača, pomoćnik revizora